


石倉十二代詩選

六十三



宋百三十三


漢書門類			
三	七	四	五
九	七	函	號
一	四	二	冊


內閣文庫			
三	九	函	架
一	四	二	冊
三	七	四	五
九	七	函	號
漢	書	門	類

內閣文庫			
番號	漢	3745	
冊數	142	(65)	
函號	319	25	

宋詩百三十三

六十三





九天彌羅真人支離子傳

淺草文庫

真人姓黃名希且字姬仲邵武軍邵武縣書錦
 鄉長樂里人也自號支離子生于宋仁宗景祐
 二年幼而穎拔長而靜分學問文章為世所推
 服嘗謂與其慕軒冕之榮華何以挽光陰之迅
 速乃逃儒從道家者流初寓本軍之九龍觀禮
 道士吳惟靖為師授黃帝老子之學天資曠達
 不偏不依遊心于萬物之表怡然自得閒披史
 傳發為歌詩畧無塵俗氣所居有堂植竹數竿

勝曰堅節徜徉乎其間不忻趨謁閭里好事者
乃携具從之遊至則觥籌交錯酣詠自如脫去
邊幅外不異于人人莫知其所以異也城東二
十里有樊真人朝斗壇昔隋時有盧道士鍊丹
于城南之頂號曰靈臺真人時復往來人莫知
之但傳云支離丹臺後莫究其盧樊真仙之所
自熙寧五年京師五福宮成詔選天下士有戒
潔清高者二七人崇奉祠事支離預其選時知
軍事元居中以名達于上也支離至宮日嚴香

火隆冬極暑畧無怠色晨昏怡神養氣謹言語
絕嗜好望之儼然而卽之則和氣可掬越明年
辭歸舊隱惟一訪別鄉人館閣校勘黃公安中
有詩贈之曰樓頭畫角嗚嗚咽寒鴉噪晚聲悽
切林中老柝似長戈頂上青松點殘雪武陽道
士故鄉人携琴整冠來告別意嫌陌上別離多
歸就壺中長日月時道錄碧虛子陳太初聞之
力挽留然清德上聞有詔祠太乙宮遂典宮事
熙寧七年秋告朔厭人世間蛻解于太乙宮時

歷代詩選 卷之二
年四十二未解化之前若違豫者數月雖食日損形日癯人所不能堪而真人笑語自若無異于常時將解化謂弟子吳巖卿曰碧虛子挽吾于斯時至不得而違聊筆數句爲吾示之其辭曰地水火風強名四大迷蕩真源種種憎愛出哉慙癡會即便會雲散月明廓周沙界寫畢跌坐謂弟子曰吾今往矣俟吾七日面有笑容則叩吾牀頭之金鐘吾卽返矣七日後若無喜色吾寔之至七日破卯在視之見其精神頓爽

面目如醒遂擊金鐘復蘇語衆曰貧賤富貴不入吾胷次久矣適遊宰相趙氏之家吾今不復往矣倏然而逝是時異香滿室五日上聞之賜龕材窀穸于蔡之南巖卿訪右丞黃公履求爲傳大書其事時蘇翰林軾承旨跋之兼題其額曰支離子形解之頌一時名公鉅卿作者不一後數年間有邂逅于蜀者乃作頌以寄余舊觀道衆云昔時遊太乙今日返成都若問去來事雲藏月影孤寫畢不知真人又于浪塵之日嘗

著竹堂集有詩數百篇盛傳于世開禧年間閣
學尚書謝源明帥西川日祈禱設醮命雅州道
士胡大仙祭醮伏章興雲至天闕遇九天彌羅
黃真人傳達章表謂余曰吾乃尚書鄉人支離
子也今奉勅掌天曹章奏之司命玉帝正與三
官考校科舉之籍未卽覽詞餘章奏悉顛聚于
此然余與尚書有舊先爲上聞遂得旨回于是
始知真人位號尚書乃就成都府天慶觀之東
隅建立祠宇仍抽清俸置田爲常住令觀中世
世而焚修祠事之尋請黃公大全紀其事跡始
末而未悉其詳不數日間忽市肆中有一道人
手携得右丞黃履所作之傳于成都叫賣時在
茶肆間道人乃以一卷付大全云有一先生附
文字在此歸還鄧道士欽明言畢不見蓋必乃
真人親身授之繇是盡得真人出處之實乃鑄
石立于觀中歲時而祠祀焉茲不復敘

石倉十二代詩選

宋詩卷之一百二

支離集

宋邵武羽客黃希旦撰

明三山居士曹學佺閱

性慵

性慵人事拙。思向遠山居。欲得是非少。先宜來
往疎。善鄰惟水竹。良友祇琴書。冷淡生涯外。逍
遙一室虛。

願真亭

剪去舊蒿萊。開亭養聖胎。閉關虛室白。隱几寸

歷代詩選 宋黃如作
心灰月上池浮露風生竹掃箬悠悠奔競者何處問丹臺

春日書裏和韻

二月又將半閒居興若何芳菲殊未賞泥濘阻相過華砌饒苔蘚柴門長薜蘿韶顏須自惜隨分樂天和

采藥

采藥山中去扳躋不覺賒深源無俗迹滿地是靈芽巖迥陰留雪溪澄淨見沙可憐名利客應

笑此生涯

和人秋感

烈士感秋興高吟擊太阿功名辜壯志歲月歎流波永巷蛩初響荒圻葉漸多靈槎如可約從此汎銀河

水心亭

爲愛方池淨危亭此構新寒光搖玉鑑晴色戲金鱗月上驪宮曉蓮開水府春主人能息慮四座絕風塵

詠竹

生涯何所有滿砌植琳琅瘦影碎秋月健梢橫
曉霜且從喧鳥雀終待集鸞皇吟遶都忘却誰
知此興長

二月春將半二首

二月春將半幽居掩竹齋自慚疎懶甚苔蘚滿
空堦

二月春將半農畊細雨中花前輕薄子醉倒笑
春風

二月春將半霖霪雨尚寒松黃收拾晚狼籍滿

金壇

贈逸人

白雲處士入雲中三尺焦琴百尺松長嘯一聲
寒澗遠千厓萬壑起清風

寄贈寶幢修山主

瑤幢真勝槩晦迹一禪翁語默呈心印縱橫振
祖風晝閒人事外夜靜月華中若問春來意松
青百卉紅

秋日登樓

高閣倚斜陽，登臨覺倍涼。
殘蟬空自咽，歸燕爲誰忙。
蔽日雲頭猛，沿山雨却長。
竹邨溪上影，髣髴似瀟湘。

懷中孚

睽違雖未久，南走夢魂多。
客路隨飄梗，年光歎擲梭。
葉凋隋苑樹，風走洞庭波。
舊約龍山會，歸來赴若何。

晚眺

晚涼思遠眺，策杖出松林。
車馬自來往，路岐橫古今。
商飈未落葉，永巷已鳴砧。
自笑眠雲客，因時感激深。

寄友人

性僻少知己，惟君日往還。
聽渠憐寂靜，賒酒笑艱難。
俗眼從他白，吾儕且任閒。
生涯人莫問，到處有雲山。

簡襲慶齋主人

雨過浮山好，無如襲慶齋。
主人操大雅，樓閣俯

歷代詩選
卷之二
蒼厓檻碧搖新柳庭黃發嫩槐登臨詩酒興此際與誰偕

遠遊

自在遠遊去開門誰見過
援棹空轉軫對酒不成歌
秋景生新桂涼風撼敗荷
天涯誰是侶歲暮莫蹉跎

秋半

晚吹生叢竹淒涼又半秋
年華驚倏忽人事覺淹留
林噪殘蟬急山光暮雨收
登臨將眺望煙

霧閣層樓

古意

大道長閒閒人心自艸艸
天地固無私賢愚同一老
誰信丹丘人顏色常美好
我亦斯人徒相從須及早
君看東流波日夜長浩浩

寄益老侍官南康

匡山勝槩昔賢欽今日多君復訪尋
李白書堂螢自照樂天禪室月空臨
澗松巖檜當年色霧鶴霜猿此際音
莫對他山忘故里武夷秋晚澗

雲深

竹洞

竹洞新開碧玉林。徑幽疑入五華深。夜篩明月一天靜。晝擁青雲四座陰。剪杖佇看雷雨化。迎風時聽鳳皇吟。煙霞不用重關閉。塵俗誰能此訪尋。

燈夕和韻

年年此夕閨閣闔。豈料閒居與自恬。競逐艷陽遊冶去。寧知華髮等閑添。火連夜市曾無禁。燈混星文不可占。聞道玉樓歡宴處。夜闌猶未捲珠簾。

讀禪月集

唐末高僧號貫休。篇章激切近詩流。煙華雪月何妨咏。水竹雲林不碍遊。蜀國至今名籍甚。蘭溪當日蹟淹留。此心彈指雖云妙。爭奈闍黎未點頭。

閒居

艸堂嘯傲動經年。已把生涯付自然。謾費工夫

歷代詩選 卷一百二 七
披古籍懶通名字謁時賢。爐中閒養陰陽火，身
外誰求子母錢。寄語王褒如著論，不同呼吸學
神仙。

寄李尊師

底事悠悠信莫聞，還疑深入武陵源。幾年江上
秋風夜，故國閩中暮雨村。塵世功名寧自笑，蓬
壺旨趣有誰論。路岐無盡人空老，白髮慈親奈
倚門。

謝人惠星冠

學道多年尚屈蟠，豈勝仙伯贈峩冠。曉簪乍覺
星攢頂，夜戴偏宜月滿壇。對鑑寧煩朋友正，避
時羞爲利名彈。預思他日雲林下，輕罩紗巾鶴
髮寒。

幔亭

曾孫嘗會幔亭中，脯擘麒麟酒滿鐘。宴罷不知
消息處，至今鄉老望孤峯。

讀方干詩

數篇騷雅名雖遠，三拜逢迎禮過差。補得唇來

歷代詩選 卷一百一
身已老。灌園何苦更咨嗟。

和賈鴻舉移竹

琳房珠館何虛寂。寶砌無塵苔蘚碧。仙翁倚檻
靜吟哦。却憶篔簹拂巖石。勁節虚心守歲寒。未
嘗暫變風霜色。移來迢遞不辭勞。深根訝向瑤
臺植。漸承春意葉青青。時惹天香煙冪冪。月籠
翠影尚蕭疎。露被繁枝纔滴瀝。迎風閒夜擬龍
吟。結實他年期鳳食。非才終約老煙霞。此際謬
當親採擇。寄言紅紫莫相猜。彼此無情蒙化力。
這時剪拂任他人。沈去葛陂都咫尺。

感時行

勸君莫種木槿花。朝榮暮落堪咨嗟。勸君種取
亭亭竹。霜繁風勁依然綠。誰不見陳餘張耳輩。
當面論交旋踵背。又不見管鮑光武與嚴光。貧
賤富貴難相忘。英聲獨與天地長。令人萬古遙
相望。不可得見空徬徨。

觀申公山水

申公山水老更狂。眈眈巨耳雙瞳方。生涯秃筆

數千管欲與造化爭毫芒長煙三素挂四壁經
營指點何安詳凝神淨慮偶得意一灑混沌開
玄黃須臾三才及萬類迤邐筆下分低昂水寒
石瘦老木恠蒹葭岸古天蒼蒼伊余本是山間
叟對此直欲乘風翔咫尺杳然數萬里直疑跳
入壺中藏

石倉十二代詩選

宋詩卷之一百二

終

石門文字禪序

夫自晉宋齊梁學道者爭以金屑翳眼而初祖
東來應病投劑直指人心不立文字後之承虛
接響不識藥忌者遂一切峻其垣而築文字于
禪之外由是分疆列界剖判虛空學禪者不務
精義學文字者不務了心夫義不精則心了而
不光大精義而不了心則文字終不入神故寶
覺欲以無學之學朝宗百川而無盡歎民公南
海波斯因風到岼標榜具存儀刑不遠嗚呼可

以思矣。蓋禪如春也。文字則花也。春在于花。全花是春花。在于春。全春是花。而曰禪與文字有二乎哉。故德山臨濟。棒喝交馳。未嘗非文字也。清凉天台。疏經造論。未嘗非禪也。而曰禪與文字有二乎哉。逮于晚近。更相笑而更相非。嚴于水火矣。宋寂音尊者憂之。因名其所著曰文字禪。夫齊秦構難。而按以周天子之命令。遂投戈卧鼓。而順于大化。則文字禪之爲也。蓋此老子向春臺。擷衆芳。諦知春花之際。無地寄眼。故橫心所見。橫口所言。闢于紅萬紫。于三寸枯管之下。于此把住。水泄不通。卽于此放行。波瀾浩渺。乃至逗物而吟。逢緣而咏。竝入編中。夫何所謂禪與文字者。夫是之謂文字禪。而禪與文字有二乎哉。噫。此一枝。花自瞿曇拈後。數千餘年。擲在糞掃堆頭。而寂音再一拈。似卽今流布。踈影撩人。暗香浮鼻。其誰爲破顏者。

明萬曆丁酉八月望日釋達觀撰

又字彙終

石倉十二代詩選

宋詩卷之一百三

筠溪集

宋石門比丘釋德洪著

明石倉居士曹學佺閱

寄彭景醇奉議

我庵湘山麓君家湘江尾共看湘山雲同飲湘江
江水君有負郭田飽食驕穉世小兒操井臼大
兒了租稅我獨生事拙餽粥每不繼君如李大
夫時時容乞米永懷湖山堂風物自閒美楞嚴
初讀罷篆冷空窗几微風拾殘紅幽鳥妨春睡

歷代詩選 宋詩卷之一百三 長

層翠
蒼苔滿門巷。榆柳陰覆砌。杖策亦窺園。悠然望

雪霽。謁景醇時方壑。堤捍水脩湖山堂。復

和前韻

壑堤蓋南堂。雪霰響新瓦。我踏雪泥至。白携雙
不借愛公有俊氣。句法洗凡馬。清婉繼彭澤。寒
陋笑東野。願爲西崦隣。投名入詩社。餘年吾事
濟。過從有公者。何時聞折竹燈火共清夜。

陪張廓然教授遊山分題得山字

先生如梁鴻。德耀亦愛山。湘西十日留。笑語爐
雲間。弄泉石梅塢。喚舟青蘋灣。藉草飲松下。松
風當吹彈。二妙生清妍。山花插雲鬟。粲然起爲
壽。舞袖相翩翩。先生墮幘醉。頗覺天地寬。醉語
忽成詩。爲題蒼壁顏。城郭遙相望。但見千峰寒
又得先字

青山隨處有。見之輒欣然。獨于湘上山。欲買歸
休田。此邦多君子。故欲吾終焉。先生人品高。白
鷗春水前。弟子姝秀發。玉樹相明鮮。頗怪翰墨

歷代詩選 宋洪興祖 卷二
場亦著白髮禪分題得難韻下筆風雷旋詩成
愕衆口不復較後先間中有此樂安用食萬錢
紫芝愛陸渾遂爲好事傳悠然見眉宇寧復羨
遺編

寄題雙泉

閻公立朝時凜然古遺直孤忠捍世波砥柱屹
挺特一旦成千古埋玉秀山側至今山中泉實
以配公德欲知其源深下漲千頃澤沙渠走清
快丹井湛紺碧譬如澗與溜相去無尋尺日光
每下徹山影必倒植倚欄應欣然遊鱗見尾脊
知誰念純孝滿榭種白石粲然生玉英冥感吁
莫測泉旁有精舍聞多登覽適何時同二老追
逐扶瘦策詩成坐假寐夢歷秋山赤想見環佩
清繞除餘響滴

次韻夏夜

隱几羣動寂池塘浮夕光瓦溝急雨過熏風滿
南堂飛螢忽點衣小立聞荷香東南喜見月微
雲復遮藏長哦穎臯詩清語沁肺腸勁氣終不

屈鎔鄒淬光芒高懷寰宇間蠢蠢犇炎涼斯人
古遺直天質自溫良茲夜發遐想易親復難忘
歸田無別意難以納入方

次韻過醴陵驛

解鞍成小寢部曲營夜炊此生一寄耳夢勾相
拘縻風飡雜舍者水宿依江滄何時步八埒壓
犀簾幕垂三湘在圖畫開屏供卧披公宜宿玉
堂明甚無可疑今復聊爾耳閒作虎頭癡

贈別若虛

暑霽嚴威新涼釀歸思夢驚聞松聲兩鬢到
萬事中情怯離別此別仍對子追惟初識面寧
復計有此明朝舟洞庭驚浪銀山起醉眼失湘
楚妙語凌淮泗我如浮水葉遇坎當自止行將
看荆山歸老鹿門寺

和游福巖

雲開見樓閣峰頂知有寺衆峰讓高寒蓋是出
其類曹溪正脉深不斷渺如帶流而至衡霍百
川蓄滙澮迺知般若臺自昔分燈地清游亦不

惡俯仰憶前事。寶構出灰燼。人逝時亦異。永懷
韓潮州。夜與千峰對。仙去三百年。音容恍如在。
妙語落人間。斷碑卧榛檜。

和杜司錄嶽麓祈雪分韻得嶽字

歲晚湘水濱。黃塵似河朔。江流涸。冰盡餅罌汲。
餘濁忽聞雙旌出。千騎爍山嶽。雪雲卷山去。天
宇獻遼邈。嬌鴉集風枝。凍鶴時俛啄。山雖非故
人。識面亦已數。豐年屬勝遊。與我同三樂。

次韻經蔡道夫書堂

書堂山崦西。微路經桑柘。婉婉綠陰中。偃僂牽
羸馬。須臾將平川。時過幽溪瀉。源深人家稀。落
日耕釣罷。過墻傍脩竹。深處開茅舍。池塘遠軒
窗。秀露風清夜。杯盤燈火裏。笑語茅簷下。夜闌
乞新詩。自愧非作者。張燈掃西壁。把筆強驅駕。
萬景每騷縱。此夕偶相借。遂令諸子歡。一一如
圖畫。

題嶽麓深固軒

湘西峰頂寺。樓閣藏煙翠。危臺占冢顛。小軒寄

幽致游。人常不到。石壁照溪。遂于世復何求。此
生眠食耳。脩然亦何有。蒲團空曲几。凭高俯城
郭。車馬環磨螿。城郭望諸峰。時見孤雲起。

中秋夕。以月色靜中見。泉聲幽處聞。為韻

分韻得見字

夜清成水宿。月出波灑灑。那知是中秋。老眼欲
安眩。此生天地間。飄泊如蓬轉。塌來泊湘濱。此
月凡七見。冰輪上天衢。萬里不知遠。夜深度明
輪。側明河淺。西河欲吹笛。餘音落哀怨。

次韻周達道運句

朱門連大藩。知是故人宅。登門一笑歡。忘其身
是客。叢林斷。听西聚落。一水隔。欲知往來數。雞
犬亦相識。撥書卧清曉。井汲聞餘滴。職嚴賓謁
少。境靜意自適。

次韻朝陰

轆轤曉汲罷。幽響聞餘滴。不知雨毛空。但覺炊
煙濕。閒居少過從。屋角寒藤入。夫子獨念我。問
訊常絡繹。時來歎柴肩。飢飽共休戚。此詩麗如

春妍暖破岑寂如追薊子訓可望不可及

送彦周

彦周美少年風味映前古令人每見之不敢發
鄙語推墜吾法中偃蹇揖佛祖死生人所怖玩
之于掌股此生幾離別此別覺酸楚夜寒眾峰
高獨看霜月吐

次韻游方廣

萬峰纏煙霏一線盤空路丹楹出翔舞半在生
雲處海人猿臂上哀湍不堪泝夫子英特人自

是幹國具醉耳厭絲竹來此良有故臨高賦新
詩妙語發竒趣便欲抱琴書亦作東家住山靈
應拊掌笑公方窘步富貴牢縛公雲泉寧可付
置卷發遐想湘月微雲度

贈珠維那

湘雲遮世路閒客此閒行彌日不忍去眷此山
水清暖窗欲春色茗椀雪花輕道人舊不識一
見意已傾人生無根蒂聚散如流萍聊炷返魂
梅將以熏道情此詩亦偶爾夫用四座驚



謁狄梁公廟

九江浪粘天氣勢必東下萬山勒回之到此竟
傾瀉如公廷諍時一快那顧藉君看洗日光正
色甚閒暇使唐不敢周誰復如公者古祠蒼煙
根碧草上屋瓦我來春雨餘瞻歎香火罷一讀
范公碑頓塵看犇馬斯文如貫珠字字光照夜
整帆更遲留風正不忍掛

同彭淵才謁陶淵明祠讀崔鑿碑

晉室東渡後主弱祗如寄桓温弄兵權劉裕竊
神器先生于此時潔身良有以袖手歸去來詩
眼飽山翠追還聖之清太虛絕塵滓長恨千載
心斷絃掩流水

陳氏貫時軒

春風著萬物粉飾相明鮮雪霜摧壓之不情如
世權問誰不可犯揖此蒼玉椽斫頭豈易屈槍
地猶傲然相逢凋零中秀色披晴燿陳侯我輩
人逸氣傾羣賢開軒冷相向酬酢忘歲年我來
作風聽夜雨雜山泉携被願假宿與子對牀眠

懷慧廓然

蕭蕭暑雨過空山成夜晴月出東南峰娟娟風
露清飛螢自開合寒蟬亦悲鳴興來忽獨往聽
此落礪聲永懷西湖上絕景玉壺明松際翛然
姿振策自經行卽欲呼就語忽隔千里程何時
徑尋子夜航過臨平

同超然無塵飯栢林寺分題得栢字

沙村宿雨餘炊煙淡寒色山墟蠶市休野飯漁
舟隔忽逢柳際門知有道人宅叩扉山答響童
子出迎客空庭竟何有凍死千歲栢鐘鳴食時
至老僧揖就席香秔定宿春露葵應曉摘差飢
一飯美何啻萬錢直風軒納山翠引手捫石壁
愛此玉崔嵬歲久自崩圻下有洄渦泉甘涼冰
齒頰勿輕一脉微去漲萬頃澤吾行無疾徐任
佳去亦得欲收有聲畫絕景爲摹刻興來勿復
緩轉顧成陳迹

十二月十六日發雙林登塔頭曉至寶峰
寺見重重繪出庵主讀善財徧叅五十

三頌作此兼簡堂頭

十年懷石門。今日石門去。雙林動曦光。跋河開宿霧。力微藉古藤。泥軟脫芒屨。風泉白雪壑。夜雨青松路。我生百事廢。齒髮行衰暮。但餘愛山心。不逐年華故。此山甲天下。自昔家吾祖。峰如青蓮花。千葉曉方吐。煙雲浮香色。清涼洗肝腑。異哉萬木間。白塔巋然古。此老無恙時。超放誰與伍。萬象供笑談。大千爲戲具。我曾從之游。絕塵追逸步。誰云今已亡。塔開全體露。永懷憑妙

觀此意竟淒楚

仁老以墨梅遠景見寄作此謝之

荒寒掃橫斜。稀疎開未徧。煙昏雨毛空。標格終微見。吳姬風髻亂。睡色餘妬面。誰令種性香。風味極不淺。道人三昧力。寫出隨意現。寒管玉纖寒。無勞寫哀怨。

上巳日有懷昔從雲庵老人此日山行

今年上巳日。久客望江南。雙梅接脩水。石路入煙嵐。千峰出雲雨。空谷吞寒潭。蒼杉鬱童童。秀

色凌雲庵不見庵中人青燈耿塵龕空餘行樂
處攀翻聞笑談風光與節物觸愁味參參臨高
望煙靄哀涕落春衫

送正上人歸黃龍

道人泉南來音姿頗純美觀其略笑語亦自飽
風味相看坐終日孤月墮止水但見篆畦間青
煙行未已朝來忽去我秋風動衣袂試問安所
之笑指千峰裏秋晚當相尋結伴入層翠

余在龍安木老庵除夕微雪及辰未消作

詩紀之

元朝喜見雪一室譁少長新年方下車故歲已
長往知誰徑尋我東墻屐齒響正當穩靠蒲移
几就紙帳一片忽飛來墮我詩卷上為置石鼎
烹茗飲聊同賞

次韻李商老匡山道中望天池

幽人脩水上春漲昂陂田時時想見之笑頰微
渦旋往來柴桑間妙語生雲煙廬山自高寒青
碧開晴天倚藤望絕頂風味如斜川我思從之

游子亦當勉旃詩成聊假寐歸夢歷層顛

居上人自雲居來訪白蓮社話明日告歸

作此送之

浮雲山盡際花木迎春暉佳人殊方來見之消
渴飢藉草坐松影粉香時落衣氣貌秀可掬出
語超幽微巖壁鐘聲寂山陰花發稀去袂挽莫
留又作甌峰歸

送通上人游廬山

少年四方志一杖餘氎巾朝來過微雨扁舟買
南津廬山冠天下况復當青春遙知泊星渚雲
開蒼翠新相看發一笑瀑布垂天紳虛漢清月
上山空無四隣應懷千載姿坐榻空埋塵興來
得好句錄寄北山人

同慶長游草堂

萬株蒼煙間杳然出微徑相逢知有得一洗
孤憤蕭蕭半窗雨終日滿風聽綠雲到巉絕小
立銳清興約公我輩人發此一區勝春工自無
私風力亦強敏柳垂拂掠黃溪作揩磨淨籬間

殿寒梅吳姬發微哂已欣鳥聲樂更愛游絲迴
余郎妙天下氣與山嶽峻春光纏肺腸霽月恍
風韻詩如畫好馬落筆得神駿日斜興未闌路
窮春不盡更爲明日游踏徧鐘山頂旋汲一人
泉峰頭煮春茗

寄巽中

熏風度南枝餘芳委紅綠微雲生晚陰梅雨淨
林麓穿花鶯語遲翻泥燕飛速遐想幽人居夢
過倏溪曲清聲久絕耳斯懷抱煩燠仰道思彌
高哦詩出凡俗脫屣滿戶外輪蹄日相逐吾徒
不得人大法世陵叔智刃剪蒿蓬利鋒揮樸櫟
念往追前席初筮不我卜別來空相思徙倚蒼
山木

送濟上人歸漳南

密林影羣陰露葉光翻夕幽人獨經行滿院許
秋色幾年涉嶺海頗亦歷佳席邇來寄江寺癡
坐室生白吾家在漳南萬頃蒼玉壁何當附舳
歸重拂林下石此生一夢耳夢覺試尋繹倚筇

作長嘯萬事付鳥跡若有閒中吟無惜寄飛翼
夏日雨晴過宋上人房

仲夏林木深古寺雨初足殿閣風甌鳴閒庭草
空綠小軒試凭几解籜愛新竹點筆記題詩粉
色不受觸道人有佳處面數良以熟翛然亦無
營來往相追逐此時偶相值一笑天宇局何當
烹壑源澁此腸胃俗

泊舟星江聞伯固與僧自五老亭步入開
先作此寄之

煙霏含空青向晚望逾好欲行雙瀑邊俊鶻屢
側腦偶携白髮禪步盡青松道孤鴻聊送目瘦
策自扶老甚欲東澗陰縛屋安井竈我亦個中
人歸計嗟不早永懷巖上僧松鬣和雲掃

冬日顯寧偶書

山舟不肯留白髮日夜益曉窺青銅光乃覺朱
顏失故人半凋零行吟百憂集舊山天盡頭歲
晏衰眼力高枕此山泉比興復何日百年暗相
驚奔忙如瞬息喬松亦已塵仙術無煩乞

又次前韻

禮法日荒蕪坦率日增益惟餘枯藤枝起坐不相失山枕孤雲歸林寒倦鳥集愛此亦題詩鈍澀見才力乃知衰老來全殊少年日勞生知幾何萬事歸歎息鋤斧好濯磨當就阿誰乞

奉陪王少監朝請游南澗宿山寺步月

單衣喜和風詩眼愛空翠野亭亦翛然散坐聊倦倚坐久忽聞樵見視一笑喜那知深林外曲折見流水幽光弄紺碧春色潑秀氣去爲千頃澤隄柳相嫵媚月光方下徹浮空見頰尾投磔戲驚之撲攆沙禽起歸途望林壑煙靄隔山寺便如斜川游歲月亦相似

觀山茶過回龍寺示邦基

北窗賞新晴睡美正清熟竹鷄斷幽夢朦朧不能續卧聞故人家山茶已出屋欣然一命駕妍暖快僮僕千朵鶴頂紅染此叢間綠坐客例能詩秀句抵金玉携過回龍寺掃壁爲君錄逸筆作波險欹斜不可讀坐驚殷床鐘暮色眩雙目

歷代詩選 外法覺錄 五
入關更清興。市井亂燈燭。人生分萬途。稱心良
易足。時平且行樂。餘賓非所欲。

同敦素沈宗師登鐘山酌一人泉

鐘山對吾戶。春曉開煙鬟。白雲峰頂泉。紺碧生
微瀾。經年未一酌。對客愧在顏。兩翁亦超放。瘦
策容躋攀。大千寄一瞬。境靜情亦閒。是時天慘
愴。佳處多遺刪。立談共嘲謔。豪氣破天慳。臨川
冰玉清風流。繼東山。孤坐巉絕處。掉頭不肯還。
天風吹笑語。響落千巖間。歸來數清境。但覺毛
骨寒。從君乞秀句。端爲刻爛斑。

宿宣妙寺

衝虎困頓歸。投枕眠爛熳。夜晴霜月苦。睡美不
知旦。日高披曉綠。萬事付衰懶。百年炊黍久。強
半得憂患。起臨清淺流。白髮不可揀。此生終一
壑。形勝已入眼。明年定來歸。茅屋金崖瞰。掩門
無營爲。一味工寢飯。

懷忠子

昏花委篝燈。夜雨集梧井。空房嚙飢鼠。壞壁咽

歷代詩選 卷一百三十七
寒蚓有生獨多艱。念極淚殷枕。親朋勢宜絕。醜
惡諱聞聽。棄遺等苦李。零落如斷梗。忠也新敷
面。義已到刎頸。願留廣推擠。守護輕軀命。逐臭
寧有理。嗜痂亦天性。人情骨肉離。道義燕秦并。
相逢百憂中。如熱啜甘冷。氣清秋潑山。韻勝日
夕鏡。何時一丘壑。携子脫塵境。風林作清歎。追
步千峰頂。

石門中秋同超然鑒忠清三子翫月

三年竄南荒。兩過中秋夕。月不棄羈囚。高天照
罅隙。凜如寢雪霜。但覺炎瘴失。夢清不敢歸。鯨
浪濺天白。中原一轉首。心折萬峰劇。遙知亦念
我看至。玉輪側有生。窮至此。甘作死生隔。筠溪
遶茅廬。波影登几席。危磴通石門。攀眺屢傾陟。
華紛落無餘。但見霜露實。地坐間無人。厭聞蟲
唧唧。

十六夜示超然

山深久不晴。銷盡三伏暑。夜涼聞風泉。疑作空
階雨。但覺紙窗明。不知山月吐。階除偶獨立。滿

庭浩風露室閒門未掩時有飛螢度餘生願俱
子萬壑千巖處艱難百憂中長恐此心負今宵
復對榻樂事遽如許地偏心亦遠喜劇憂自去
將回廬山陰一水斷世路

初到鹿門上莊見燈禪師遂同宿愛其體

物欲託迹以避世戲作此

上莊俯漢江古木雜桑柘槐衙陰廣陌麥浪漲
平野連雲對困廩用谷量牛馬我來二月破解
鞍綠陰下縱望煙霏中領略見楯瓦耆年骨柴

崖迎客意傾寫干戈爭奪餘身在相驚詫山空
啼杜鵑龕燈自清夜

三月二十八日棗栢大士生辰

思慮不及處但曰刹那際不謂一之中而又有
三世于此刹那頃尚不容擬議安得容死生一
切諸怖畏苦樂欣厭情紛然心境異是名顛倒
想不名隨順智如人游夢中所歷經千歲及其
夢覺已不過夕頃耳稽首願悲幢發此不傳秘
願分無盡燈仰酬四弘誓

題李愬畫像

淮陰北面師廣武，其氣便可吞項羽。君得李祐不肯誅，已知元濟在掌股。羊公德化行悍夫，卧鼓不戰良驕吳。公方沈鷲諸將底，早笑元濟無頭顱。雪中行師等兒戲，夜取蔡州藏袖裏。遠人信宿猶未知，大顛西平擊朱泚。

同景莊游涪溪讀中興碑

上皇御天功最盛，生民温飽卧安枕。醉凭艷姬一笑適，薄夫議之無乃甚。長安遮天胡騎塵，潼關血戰深没人。哥舒臣賊不足惜，要鬻國忠如膾鱗。蒼黃去國食不暇，馬嵬賜死謝天下。反身罪已成湯心，寧歎郎當雨淋夜。取非其子又遽忽，靈武君臣無忤容。詎須嗚咽讓袞服，自控歸鞍八尺龍。誰磨石壁湘江上，楷拭雲煙濺驚浪。龍蛇飛動忠義祠，顏元二公凜相向。與君來游秋滿眼，閒行古寺西風晚。道人興廢了不知，但見游人來讀碑。

神駒行

沙丘牝黃馬已死俗馬千年不能嗣忽生此馬
世上行神駿直是沙丘子紫燄爭光夾鏡眸轉
顧略前批竹耳雪蹄卓立尾蕭梢天骨權奇生
已似綠絲絡頭沫流鬚繡帕搭鞍初結尾決驟
意態欲騰驤奔逸長鳴抹千里

贈許邦基

邦基今年方十九美如濯濯春月柳龍章鳳姿
絕世無金馬玉堂如故有酒闌愛捉玉塵尾玉
色正同批誥手高燒銀燭擁新粧看君落筆龍
蛇走欲驅清景入秀句萬象奔趨不敢後人疑
錦繡纏肺腸不然筆端應有口謫仙風流今復
見况亦彷彿外塵垢但恐功名纏縛人未放青
山掛窗牖

汪履道家觀所蓄煙雨蘆雁圖

西湖漠漠生煙雨浦口團沙鳧雁聚今日高堂
素壁間忽見西湖景西浦翩翩兩雁方欲下數
隻飄然掠波去獨餘一隻方穩眠有夢不成亦
驚顧蕭梢碧蘆秋葉赤青沙白石紛無數我本

歷代詩選 宋洪覺範 卷一百三
江湖不繫舟。爾輩况亦江湖侶。令人便欲尋漫
郎。呼船深入龍山塢。

高安會諒師出諸公所惠詩求余爲賦

黃塵踏徧江南岨。矯首無言對河漢。故山有屋
埋深雲。一夜歸心掣不斷。綠錦江頭識諒禪。傾
坐高談象帝先。疑君卽是僧太由。不然無乃真
彌天。仙風襲人欲輕舉。芙蓉道氣出眉宇。擁坐
衣裳墜不收。山水懷雲輕百補。我今老倦亦慵
參。夫死正如三眠蠶。相看一笑有佳約。他日同

歸五老庵

謝安道花壇

三月江南春不淺。謝家池上開花苑。層壇迸破
碧瑠璃。嫩蘂簇成紅婉孌。一枝兩枝和霧白。素
娥月下逢姑射。十朶五朶照水紅。仙姝並立瑤
池東。人生遇景須行樂。莫使餘香散簾幕。白雪
難逃鬢上斑。金尊且對花前酌。時人莫以花爲
浼。大都自是人情改。若使人情長似花。相看顏
色年年在。

蒲元亨畫四時扇圖

畫工妙物無不可。誰能筆端自忘我。醉蒲睡着呼不聞。但見解衣盤礴。嬴起來。漱墨滋破研。霜緇只尺開。紈扇點綴四時無不有。但覺眼前紅綠眩。雲破連峰青碧開。林梢時復見樓臺。斷橋落日空流水。爲問秦人安在哉。春山杳靄知何處。夏木森森蔽雲雨。秋陰未破雪滿山。笑指千峰欲歸去。

夏日西園

晚庭一霎過暑雨。高林相應山蟬鳴。南窗夢斷意索寞。牀頭書卷空縱橫。蔬畦日涉已成趣。起來扶杖園中行。葵英豆莢小堪摘。矮榆高柳陰初成。野禽啄果時落地。池塘蓋水新荷平。歸來西屋斜陽在。原舍尚聞春簸聲。

自豫章至南山月下望廬山

扁舟秋晚離南浦。片席搖風望星渚。揚瀾大浪晴拍天。南山窈窕開蓮宇。倒檣散策一登臨。便擬掩關深處住。吾生飽食隨東南。去亦無求住

無取江山得意且題詩從游况復皆真侶青燈
灼灼夜窗深對牀卧聽風甌語隔岍廬山金碧
開月明尚記曾游處

夏日陪楊邦基彭思禹訪德莊烹茶分韻

得嘉字

炎炎三伏過中伏秋光先到幽人家閉門積雨
蘚封徑寒塘白藕晴開花吾儕黠愛真樂妙笑
談相對興無涯山童解烹蠓眼湯先生自試鷹
爪芽清香玉乳沃詩脾擘紙落筆驚龍蛇源長
浩與春漲激力健清將秋烝嘉須臾昏幅亂書
几環觀朗誦交驚誇一聲漁笛意不盡夕陽歸
去還西斜

次韻余慶長春夢

阿環夢回如墜雲研中玉纖如醉文香囊翠被
不復見華清草木猶醺醺仙郎春光洗懷抱柔
情不斷如芳草軟風細漲玉橫斜一尾追風北
山道詞鋒落紙磨秋霜千首今餘萬丈光從來
支遁識神駿歲月不知君意長

次韻君武中秋月下

秋光一半去無迹。萬里陰晴占此夕。書生醉語
哦月詩。想見看朱眩成碧。自公初携佳句歸。便
覺草露寒霑衣。夜晴蘭室思千古。領略太白懷
玄暉。君家客皆天下士。放意高談飲文字。江左
風流掃地空。今日追游可無愧。

余方登列岫愛西山。思欲一游時臯上人

來覓詩作此

西山層翠長倚天。我來正及社燕前。城中高閣
時縱倚。妙語已復凌芳鮮。方將結伴未有侶。而
子乃敢犯衆先。會當披雲亂峰頂。却下濯足寒
澗邊。遙知笑語山答響。詩句凌亂何須編。就巖
折桂亦細事。海棠爛熳燒晴川。歸來仰屋念清
境。夜未央兮猶不眠。

贈王敦素兼簡正平

空山無人舟壑移。坐看香燒行篆畦。兄弟華軒
肯過我。墮甌敝帚生光輝。着屐登山亦不惡。携
被假宿良幽期。燈前綠髮映玉頰。風流未數崔

宋之夜談詞辯出神駿絕塵赤兔真權奇我欲
置君帥河朔軍前千騎紅粧隨橫槩吟詩氣慨
慷玉帶錦袍英特姿又欲置君玉堂卧霧窗棊
几春晝遲醉中草制敏風雨諸公堵立相嗟咨
微吟擁鼻笑不語恐未免爾無多辭爲君張燈
掃東壁他日重來讀此詩

福巖寺夢訪廓然于龍山路中見之

山高夜氣摧煩暑竹風爲作南軒雨夢隨柔櫓
到西興艤舟步入龍山塢蕭蕭松下逢睿郎開
信遠來亦良苦覺來但記談笑歡不省歡時竟
何語卧看篝燈一點明嶺海茫茫隔吳楚

乾上人會余長沙

兀坐思歸不舉頭窗風爲我翻書葉衆中聞語
認鄉里便覺石門寒疊疊雲庵已作白塔新當
眼風枝心欲折道人叢林十年舊古寺青燈夜
相接失聲方欲問江南忽憶去年淮上別地爐
火冷霜月苦一室誼譁俄煖熱湘山破曉立傳
停秀抹鉛華餘積雪千巖佳處可同游明日波

晴當理楫

復用前韻送不羣歸黃檗見因禪師

幽尋忽覺暗香吐竹西知有梅花塢一枝試摘
與君看念君明日當離楚憂然飛去若驚鴻弃
擲自嗟如卧鼓遙知旅枕生清夢夢到江南春
好處蒼杉拂雲煙翠深爲弔大雄山下虎便欲
閒提折脚鎗柏子庵邊結茅住行看談笑起雲
門海上橫行如廼祖

驟雨

雷搥雨骨天爲低行雲趨走不敢遲桐英滿地
誰拾去花態正輦魂欲飛紫金蛇光誰掣斷墮
空萬點跳珠亂須臾井滑紺無泥瑠璃骨軟爭
道馳亂紅殘萼驚千片可憐憔悴吳姬面林光
草色自連天殘香依約知誰怨

臨川康樂亭碾茶觀女優琵琶坐客索詩

小槽橫捧梳粧薄綠羅縮帶仍斜搭十指纖纖
葱乍剝紫燕飛翻初弄撥梨園曲調皆品匣歛
容却復停時霎日烘花底光似爍嬌鶯得暖歌

唇滑圓吭相應啼恰恰須臾急變花十八玉盤
軟軟珠璣撒坐客漸欲身離榻裂帛一聲催合
殺玉容嬌困撥仍插雪梅幾枝初破臘

福唐秀上人相見圓通

廬山萬木春已透滿日春光迎馬首北山攬飯
借榻眠一任春山穿戶牖道人聞是福唐來石
門曾結游山友相逢未說別時情且欣春色濃
如酒何當瘦藤上孤絕深谷忽驚如錦繡人生
超放當趁健東風已暗藏鴉柳

浙竹

龍孫初長浙江曲疎影蕭蕭濯寒玉平生知愛
足風流只有山陰王子猷而今流落蒼崖頂暗
換年光鄉路永冰歆雪壓未應衰鸞鳳不棲空
故枝堅幹猶堪製長笛最合宮商勝金石爲君
吹動鏡湖秋驚起雙龍翼小舟

郭祐之太尉試新龍團索詩

政和官焙雨前貢蒼壁密雲盤小鳳京華誰致
建溪春睿恩分賜若思重綠楊院落春晝永碧

砌飛花深一寸。門下賓朋還畢集。碾聲驚破南
窗夢。高情愛客手自試。春霧脚榮雪花湧。我有
僧中富貴緣。此會風流真法供。

重陽後同鄒天錫登滕王閣

閒中過却重陽節。江城風雨吹黃葉。與君來遊
亦偶爾。聚立西偏讀豐碣。凭欄眼界得天多。雨
脚明邊飛鳥滅。西山向人亦傾倒。犯雲爭來獻
層疊。未歸負負無可言。相視心知慚在頰。會當
却立雲生處。縱望晴江生雉堞。

送稀上人還石門

海昏石門在深谷。排闥千峰如觸鹿。嶮然獨秀
一峰高。自與千山作眉目。曾學關西一味禪。衆
中雜遝多豪賢。如今此老成新塔。但有樓閣如
當年。道人今作石門客。鬚眉尚帶芳鮮色。冷齋
說我舊游處。夢魂夜渡脩江碧。朝來秋聲發丹
樹。羨君先我山中去。

寄題彭思宇水明樓

議郎詩眼發天藏。咄嗟辦樓臨汝水。遙殘夜笙

歷代詩選 宋洪興祖
歌散月出東南人獨倚微波不與天著底忽驚
白晝在軒窗試數游魚見鱗尾平生翫麟笑伊
優官冷對人言少味但餘清境得厭飫天應用
此相償耳

次韻思禹思晦見寄

多生垢習消磨盡一念定光空五蘊尚能弄筆
戲題詩如鐘殷牀有餘韻南臺煙靄隔重灘城
郭遙應認刹竿湘西六月失三伏一枕窗風午
簟寒年來懶復嫌山淺更欲移庵藏僻遠又思
喧寂不相妨卧念當年三語阮鏡裏朱顏豈長
對歲月去人寧少待是身已作夢引觀肯復經
營此身外

春去歌

杏子生仁桃葉長西園日脚踰女墻墻陰嬌語
誰家娘涼涼作隊來採桑玉纖拾礫抵翠羽鶯
燕笑語殊不忙吳蠶睡起未成繭肺腸已作金
絲光歸來遠山堆暮碧無端野李嬌春色辛夷
花零愁更多熏骨真香無處覓

歷代詩選 卷一百三十三
季長出示子蒼詩次其韻蓋子蒼見衡嶽
圖而作也

曉煙刃出千萬峰。個中我曾如懶融。天公亦妬
飽清境。戲推墮我塵網中。人生萬事無不有。道
士寧知爲老楓。去年雪夜宿絕頂。笑聲響落千
巖風。今年千巖在掌握。煙雨又復分西東。磨錢
作鏡照千里。必也高人非畫工。季長胸中自丘
壑。吐辭便覺春無功。韓侯玩世難共語。精神滿
腹仍踈通。酒闌耳熱眩紅碧。醉語撼子崔嵬胸。
遙知墮幘笑不答。但見玉頰回渦紅。

送季長之上都

十年不踏黃塵路。老盡歸心餘一縷。因同夜語
想京華。歸心百尺游絲舉。前年別我楚山邊。解
鞍班草弄雲泉。今年送公古城北。花發水流聞
杜鵑。眉間秀色照春晚。青雲故人紛滿眼。門前
車馬氣如雲。知誰倒屣迎王粲。行看腕脫供十
吏。玉堂風景非人世。萬乘叩扉宮月斜。夢驚呼
燭度窗紗。

復和答之

君不見功名欲致硯磨鐵桑公人間駒汗血五
季干戈爭奪中低摧幾不保臣節又不見相如
賦工合騷雅九重偶有賞音者及見但爲上林
令斷國反在淄川下長笑兩事俱外物自憐不
是封侯骨獨愛華亭百衲師小艇橫蓑一竿竹
久住湘江諳水脉揭篷慣看湘西月聞道公眠
畫戟叢相尋長恨城闌隔去年卜居城北地客
心每有悲笳碎慚愧詩筒走老兵病眼那容見
新制老來情緒那忍說風瘴乘之覺疲薺此生
夢刃姑置之半掩殘經香篆滅湘中清境享已
飫湘山多情慰心素年來更欲學睦州古寺閑
門工織屨

次韻汪履道

老來漸覺朋儕少夜室孤禪還自照吟詩垢習
未全除賴有汪郎恰同調嘗聞從來以類從谷
風忽作虎應嘯交道今嗟張紙薄老人嘗垂少
年約與君一笑似三秋此道長令洞開廓

送子美友

曉痕翠浪行將徧。掠面柔風初剪剪。梅頰欺寒底死香。柳眼窺煙皺未展。相看感此故意長。欲別忍看春尚淺。離情惱人深造次。撩我小詩弄清婉。腸斷江頭無語中。謝郎疋馬嘶風遠。

慈覺見訪余適渡江歸以寄之

黃沙橫吹意儻恍。江色模糊迷背向。刺舟開岍風掠耳。日暮歸來說驚浪。旋添楫楸火蒙密。堵立吞嗟羅少長。椀楪鏗然野炊熟。井稅未輸夜

春響。少年信脚踏憂患。幾同蛋叟埋煙瘴。歸來閒散贖辛勤。老住江村無雜想。

送友人

幽人獨負三尺琴。自謂羲皇得意深。經年不肯鼓一曲。欲造千里求知音。夕陽渡口西風起。黃葉紛紛墜秋水。送君呱呱上孤舟。片帆忽舉風波裏。此去吳中風物好。重複江湖我曾到。桂子落時雙澗秋。白猿啼處孤松老。却入苕溪凡幾里。連天震澤無窮已。紅蕖苞折流水香。紫萼絲

軟鱸魚美何時興。盡見歸舟。古今客路多飄流。
孤雲別鶴無蹤跡。空聽蟬聲野渡頭。

備能禪三鄉俊宿山

湘西春色無人要。萬頃鑑空飛白鳥。小閣披衣
眼力衰。一聲款乃酬清曉。芒鞋閒穿聚落來。此
岍綠陰行不了。南臺老未忘鄉井。抵掌清談輒
高笑。烹茶煮笋未當勤。放意賦詩語竒峭。此生
何處不戲劇。萬事隨緣真道妙。何當借子西齋
宿。共看湘月千峰表。

寄題紫府普照寺清上人桃花軒

武陵源深金溪入。無數桃花開春色。水面紅雲
欲崩壞。波間爛錦光相射。昔人誤行偶見之。歸
來醉眼眩紅碧。秦時雞犬不聞聲。但覺曉窗煙
霧白。那知紫府亦仙源。此華萬樹燒晴原。少年
苾芻誰教汝。照花作意開幽軒。靈雲說悟被花
笑。南泉欺客花不言。何如睡足無一事。倚欄紅
雨春風顛。愁來想見故山路。未歸先作山中篇。

與海兄

春寒真料峭。久客厭江城。雲重欲爲雨。風和尚未晴。意隨飛鳥去。緒逐亂埃輕。畢竟閒居好。煩君念此情。

燈花偶書

岑寂一閒僧。春宵清興增。竹窗催夢雨。蘭室對禪燈。世事知虛幻。人情剪愛憎。短長都分定。不恨百無能。

懷友人

不見隣峰友。還同楚越遙。每勞孤枕夢。時過小溪橋。凭檻疎簾卷。臨風細雨飄。何當奉一笑。令我此情消。

早行

失枕驚先起。人家半夢中。聞雞憑早晏。占斗辨西東。轡濕知行露。衣單怯曉風。秋陽弄光影。忽吐半林紅。

遊靈泉贈正悟大師

支徑入山寺。雲林如見招。小軒臨絕壑。危閣礙層霄。瓶泣地爐煖。屋晴巖雪消。大師京國舊。放

歷代詩選

宋洪覺範

卷一百三

意話州橋

白日有閒吏青原無惰民爲韻寄李成德
客來清對榻客去閉深關聊爲文字飲酬唱相
往還朝來公事少白日吏長閒

花光浮縣郭麥浪漲郊原吏散僧投謁詩成月

上海

橫塵尾相對兩忘言

馬上和季長見寄小春

十里霧雨濕駝裘雁過回詩眼江寒聚
晚愁魂清方怯雪句冷更含秋殘岍連孤嶼依

稀似橘洲

三月喜超然至次前韻

楊柳風蕭蕭芙蓉藻晴熲熲水閣試新涼披衣快
清旦幽居非養高一榻聊醫懶默觀四大空吾
復有何患

覽秀亭

尚記登臨時風日初盎盎忽驚四野春登我睂
睫上情欣鳥聲樂意適游絲放我非連睂郎搜
詩聊植杖

宋洪覺範

卷一百三

有

寒亭

欲問春消息蒼茫嫩日斜
茅簷聚喧雀粟林棲
暮鴉絮袍裹足坐得句
徃徃佳忽起步微月呵
手拗梅花

和杜撫勾古意

歲月走舟壑不能老喬松
何如取塵劫安置彈
指中我老世不要閉關師
道蹤自欣方得計人
笑伎之窮

其二

長松援丈蘿無事登青冥
因緣偶然爾初非出
經營我欣氣顛似掄材置
勿聽翟公亦癡絕書
門譏交情

其三

午夢清斷續雙鬢飛蚊鳴
微風亦見戲故掩讀
殘經相見洞天曉霧重花
冥冥秀句吐竒麗乃
爾未忘情

其四

暮年一杯春愁邊賴開拓
醉鄉歸路穩城郭見

隱約萬事付頽然破幘風墮落胸次竟何有八
窗洞空廓

遊廬山簡寂觀二首

廬山覺未老儼然舊風姿樹石亦仙骨逢春更
華滋爪分煙翠層千丈岳白霓貪看讓爭席舍
者爾爲誰

蒼石大如屋古木出虬枝四注陰其下地坐黃
冠師山行倦日永聚話遂忘疲行看洞中境都
是寂音詩

湘上閒居

夜清暑雨過四壁草虫鳴一枕幽人夢半窗閒
月明摧頽弘法志老大任山情忽憶陳尊宿編
蒲度此生

西齋晝卧

餘生已無累古寺寄閒房睡足無來客窗空又
夕陽叢蕉高出屋病葉忽飄廊起探風簷立飛
蚊避晚涼

秋夕示超然

夜色已可掬。林光翻欲流。一鈎窺隙月。數葉攪
眠秋。清境扶歸夢。殘缸替客愁。搜詩時畫席。忽
覺此生浮。

次韻真覺大師瑞香花

淺色映華堂。清寒熏夜香。應持燕尾剪。破此麝
臍囊。有恨成春睡。無人見洗粧。故山煙雨裏。寂
寞為誰芳。

除夕和汝楫

今夕非常夕。人偏故國思。不堪槎凍耳。聽誦未
歸詩。近市誼譁後。深簷雨雪時。爐香待清旦。此
意有誰知。

清明前一日聞杜宇示清道芬

籬外花如海。閒軒小寢驚。最先聞杜宇。更覺近
清明。雲怒知為雨。風和柳得晴。阿芬甘劣我。笑
裏恰詩成。

次韻雲菴老人題妙用軒

開軒閒隱几。萬象競趨陪。風揭松聲去。雲推山
色來。觀身真作夢。視世一浮埃。日暮庭陰轉。幽

禽接翅回

送僧歸故廬

投名身入社。卧病偶思歸。渡澗脫芒屨。扶藤下翠微。寒松猶帶雨。瘦骨不勝衣。若見空鑽紙。當施百丈機。

焦山贈僧

對牀聽夜雨。佳約是當年。放曠隨緣去。閒心不習禪。倚蒲趺足坐。擁衲蓋頭眠。今識君歸處。齋餘有澗泉。

宿本覺寺

一宿路旁寺。霜清夢亦寒。憶曾游覽處。來覓舊題看。病衲成新塔。層樓隱敗垣。青山猶不老。千疊似翔鸞。

重會雲叟禪師

氣味似前輩。見之長眼明。閒須研法味。老不減詩情。草聖因蛇鬪。禪枝解虎爭。一堂聊寄傲。疎快餞餘生。

早登澄邁西四十里宿臨臯亭補東坡遺

天下至窮處風煙觸地愁村囂聞捉柳嘶汗駭
西流鳥道通儂耳鯨波隔萬州趨雞行落月悽
斷在蠻謳

過凌水縣

野徑如遺索縈紆到縣門犁人趁牛日蛋戶聚
魚村籬落春潮退桑麻曉瘴昏題詩驚萬里折
意一消魂

渡海

萬里來償債三年墮瘴鄉逃禪解羊負破律醉
檳榔瘦盡聲音在病殘鬚髮荒餘生實天幸今

日上歸艍

次韻鄧公閣睡起

歸計寬爲約山行短作程旅亭驚午夢布穀正
催耕翰墨爲生事雲泉負此生一篇敘閒適細
味有餘情

次韻衡山道中

嶽色墮馬首嵐光忽滿襟眼寒知意適句苦覺
愁侵沃野獻新綠殘晴釀晚陰天涯驚去雁料

理欲歸心

次韻李方叔遊衡山僧舍

道鄉見城郭世路謾升沈寺勝增佳氣壁間餘
醉吟僧殘過客少山好爲誰深靈識通泉尉獨
懷經濟心

題夢清軒

小軒人不到脩竹過墻生眼倦經長掩身閒夢
亦清微風吹篆縷活火潑茶鑪遙想佳眠夕蕭
蕭雨葉聲

留題三峰壁間

三峰稜層如削玉一派懸泉瀉寒綠平生山水
性貪婪聊與白雲相伴宿松風竹露有餘清夜
伴孤月依簷檻神凝氣爽睡無夢不聞樓上霜
鐘鳴

至豐家市讀商老詩次韻

楊柳護橋春欲暗山茶出屋人未知肩田泱泱
走流水婦子鍤塍翁夾籬雪晴春巷生青草煙
濕人家營晚炊心疑輞川摩詰畫目誦匡山商

老詩

卧病次彦周韻

卧便午簟祛殘暑誰令殿閣風鷗語君來談笑
破岑寂慰此經旬携手阻湘山解事不須招數
峰入座爭翔舞心知清境世不要勝踐從來數
支許

王仲誠舒嘯堂

隔岼暮山秋翠重少焉月作水輪湧間披白恰
登此堂絳闕神清氣深穩此中不着絲竹耳但
覺清圓林葉動恐君夜殘亦仙去弃米叫雲空
目送

和忠子

牛車注經宗兩角那問虛舟移夜壑竹間掃除
聞磬聲戲作伽陀歌獨脚心波不興顛古井情
緣脫盡如遺釋高笑癡兒倚富貴危如乳燕方
巢幕

遠浦歸帆

東風忽作羊角轉坐看波面織羅卷日脚明邊

歷代詩選 宋詩卷
白鳥橫江勢吞空客帆遠倚欄心緒風絲亂蒼
茫初見疑鳧雁漸覺危檣隱映來此時增損憑
詩眼

山市晴嵐

宿雨初收山氣重炊煙日影林光動蠶市漸休
人已稀市橋官柳金絲弄隔谿誰家花滿畦滑
唇黃鳥春風啼酒旗漠漠望可見知在柘岡村
路西

江天暮雪

涖墨雲濃歸鳥滅魂清忽作江天雪一川秀發
浩零亂萬樹無聲寒妥帖孤舟卧聽打窗扉起
看宵晴月正輝忽驚盡卷青山去更覺重携春
色歸

洞庭秋月

橘香浦浦青黃出維舟日暮柴荆側湧波好月
如佳人矜誇似弄嬋娟色夜深河漢正無雲風
高掠水白紛紛五更何處吹畫角披衣起看低
金盆

瀟湘夜雨

嶽麓軒窗方在日，雲生忽收圖畫軸。
軟風爲作白頭波，倒帆斷岍漁村宿。
燈火荻叢營夜炊，波心應作捕魚兒。
絕憐清境平生事，逢漏孤吟曉不知。

煙寺晚鐘

十年車馬黃塵路，歲晚客心紛萬緒。
猛省一聲何處鐘，寺在煙村最深處。
隔溪脩竹露人家，扁舟欲喚無人渡。
紫藤瘦倚背西風，歸僧自入煙蘿去。

蘿去

漁村落照

碧葦蕭蕭風浙瀝，村巷沙光潑殘日。
隔籬炊黍香浮浮，對門登網銀戢戢。
刺舟漸近桃花店，破鼻香來覺醇醲。
舉籃就儂博一醉，卧看江山紅綠眩。

穎臯楚山堂秋景兩圖絕妙

溪邊兩鴨自夫婦，生而能言似相語。
婦先浮波喜轉顧，夫欲隨之竟先去。
水際青蘋各占叢，風

歷代詩選 卷一百三 三
撼荷花已退紅。不見清香雲錦段。空餘霜葉伴
枯蓬。

山寺早秋

千本蒼杉俱合抱。夕陰相映寒蟬噪。殘僧獨歸
清入畫。秋色滿庭濃可掃。霜鐘初歇月未生。但
覺篝燈一點明。階除環佩走流水。樓閣誦經童
子聲。

余還自海外至崇仁。見思禹以四詩先焉。

既別又有太原之行。已而幸歸石門復

次前韻寄之。以致山中之信云。

脫梏寧知縛禪律。但欲閉門長不出。死禍平生
九蹈之。痛恨防身苦無術。此言了如意在絃。此
心炯如月臨泉。山中樂可驕稚世。一榻暑風清
晝眠。

信上人自東林來。請海印禪師過余湘上。

以贈之。

五湖東歸風轉施。柔櫓聲中飛鳥過。開蓬不信
是廬山。忽驚落瀑從空墮。道人箇中三十秋。那

知今始載歸舟。白藕池邊月初吐。應對隣房說
舊遊。

十五日立春

千年像教唐朝寺。雪後新年晴復陰。殘僧無事
春又至。遊客不來山自深。長廊掃葉望空翠。小
閣卷經橫水沈。三生白業有言說。一念淨心無
古今。

晚步歸西庵

庭除有路入深壑。曳履條然獨往還。布穀風光
寒日近。摘茶時節亂山間。花枝重少人甘老。燕
子空忙春自閒。歸晚斷橋逢野水。更能搵手弄
潺顏。

訪鑿師不遇書其壁

獨自來遊微雨後。道人乞食及清晨。應門童子
能迎客。滿地榆錢欲買春。花醉發狂風日。臘柳
眠喚起。景光新政當借榻。酬無事。熟斲從教聒
四隣。

晚秋溪行

目忘食 輝三

歷代詩選 卷之三
熟路沿溪過石橋。掃除秋晚淨迢迢。幽尋忽見
蘭芽苗。小立仍逢柿葉飄。撲攏水飛雙去鳥。珍
籠山響一聲樵。歸來半掩殘經在。燕窠香凝碧
未消。

夏日偶書

碧縷橫斜試水沈。紅腮甘冷嚼來禽。含風廣殿
聞棋響。轉日迴廊暗柳陰。強撚冰紉餘睡色。倦
憑棐几適閒心。攀翻沈衲黃塵事。過眼雲蹤不
可尋。

竹爐

博山沈水覺塵埃。旋斫凌雲綠玉材。自拭錦棚
含淚粉。要焚銀葉返魂梅。意消未掩黃庭卷。火
冷空餘白雪灰。應把熏衣閉深閣。流蘇想見畫
屏開。

寄草堂上人

首夏年芳尚可尋。興來芒屨恣登臨。回頭故國
煙波濶。分袂幽人歲月深。落日杜鵑山館靜。熏
風芳草柳塘陰。知君宴坐忘機地。謾寄新詩話

此心

題水鏡軒

小軒明快照巖阿得蓬幽人喜氣多但視世間
如水鏡方知夢裏有山河佳眠不礙林光入清
坐何妨夜月過我亦思歸老丘壑結隣西嶺肯
容麼

石臺夜坐

故鄉乃有此叢林下板何妨著寂音永與世遺
他日志尚嫌山淺暮年心凍雲未放僧窗曉折
竹方知夜雪深琢句自應清似玉更宜坡字硬

黃臨

九峰夜坐

千峰萬峰自雲雨一宿兩宿心頽然不知人間
歲云暮但覺澗風吹夜泉地爐火燄水正泣篝
燈委昏僧未眠古人去我不甚遠何必想像臨
遺編

寄李大卿

瓶盂又復寄西州彌勒同龕古寺幽睡起忽殘

三月夏朝來拾得一簾秋浮雲世事慵料理斷
梗閒蹤任去留投老山林多勝槩杖藜何日復
同游

秋日還廬山故人書因以爲寄

風葉鳴廊夜色晴隔雲微月稍分明下簾徒怯
衣裳薄拂榻空驚枕篔簹清病眼得秋還少睡壯
心于世尚多情何時却作廬山去渡水穿雲取
次行

誠上人求詩

我昔車輪翠裏行只今懷想似前生那知古寺
僧窗下偶見高人眼倍明秋月半鉤留客意凍
雲千頃欲歸情杖藜笑出千峰去添得蒼崖響
答聲

懷友人

尋常輕別尚消魂何況交情過第昆孰謂此身
閒日月自慚踈跡信乾坤泠泠小雨江邊路薄
薄浮煙竹外村回首舊游方契濶孤舟何處宿
黃昏

送軫上人之匡山

何處高人雲路迷，相逢忽薦目前機。
偶逢菜葉隨流水，知有茅茨在翠微。
碎瑣夜談皆可聽，煙霏秋嶺欲同歸。
條然又向諸方去，無數山供玉麈揮。

與晦叔至奉新

欲去未成還執手，西風踈雨晚絲絲。
暗驚歲月行飄忽，那更人生苦別離。
君已嘔心工筆語，我今歸計老茅茨。
冷齋後夜誰同宿，莫向燈前讀

此詩

送敏上人

殘林病葉強翻紅，已覺清秋夜氣濃。
懶復小窗邀獨秀，却應歸夢挂雙峰。
水分淮甸當懸席，路遶匡山可振筇。
若見虎溪谿上月，爲言相憶作衰容。

贈王司法

輕帆已有渡江期，高會清游惜此時。
水閣颺煙晴試茗，雪窗敲燭夜論詩。
衝寒遠雁來橫浦，弄

歷代詩選 宋 洪覺範 卷一百三 五
色新梅半糝枝。林下自知無一事。亦應風月動
關思。

次韻超然

翠寒空覺此生浮。歲月催人髮易秋。忽憶倚天
廬嶽去。更尋清境武林游。情深愧與高人別。興
發徒煩夜月留。他日西湖遠相憶。爲君言笑散
沙鷗。


次韻超然竹陰秋夕

月協雲行夜未深。滿庭風露葉辭林。知誰墻外
千竿竹。分我窗西一畝陰。山好已無歸國夢。老
閒猶有讀書心。剩題詩句酬幽隱。歲月翩翩接
翅禽。

廬山寄都下邢基德祖諸故人

勢占江南三百里。煙霏相映出層樓。芒屨竹杖
山兼水。坐看行吟春復秋。浮世萬途成底事。吾
生一飽更何求。故人京洛風埃地。能信山中此
樂不。

送宋上人歸南泉



歷代詩選
宋洪興朝
卷一百三
燈外佳眠試冷齋欲成歸夢暗驚回一軒秋色
侵衣重半夜波聲拍枕來江國潮平人獨漉海
山家在意徘徊倚藤明日秦淮上看子風帆十
幅開

晚坐藏勝橋望石門

好山千葉青蓮曉斫額令人意已消微出樓臺
知有寺倦行雲樹忽逢橋此生未覺叢林負肯
處真教日劫超閒拾墮薪成淺立細泉幽澗響
寒蛩

送隆上人

人生聚散等兒戲夢境紛然此一時老去漸知
爲客味秋來長作送人詩感君義色分心曲慰
我年華兩鬢絲想見故鄉霜菊後屋頭千樹橘
纍垂

上元宿百丈

上元獨宿寒巖寺卧看篝燈映薄紗夜久雪猿
啼嶽頂夢回清月在梅花十分春瘦緣何事一
掬歸心未到家却憶少年行樂處軟紅香霧噴

京華

宿靈山示用上人

地靈形勝自天成。山色溪光潑眼明。北岫飛來
么鳳落。東隣相去一牛鳴。霜筠遶寺秋無數。壁
月臨軒夜更清。已約高人結蓮社。他年香火寄
餘生。

宿鹿苑書松上人房二首

數峰煙翠疊黃昏。忽見松間窈窕門。好境未將
佳句寫。幽懷先與故人論。隔林每恨音容阻。此
夕相逢笑語溫。雪意不成應有月。夜深回看湧

金盆

冷齋託宿自携衾。卧聽松風度栗林。黃卷青燈
紙窗下。白灰紅火地爐深。夢回清響春巖溜。夜
久幽香噴水沈。慣作橫刀眠下板。爲君令有住
庵心。

次韻王節推安道見過雲蓋二首

湘山名與故山齊。寺在沙村斷岫西。繫馬槐根
秋雨歇。倚欄雲際暮猿啼。公宜談笑光臺閣。我

歷代詩選 宋洪興祖
合摧頽老澗谿袖有新詩如瀉出逼人神駿不
容羈

睡起春衫取次披髻雲隨從倚欄時生憎柳底
鶯聲巧不分花前日影移伊昔笑來憂易老而
今思去恨難追林梢懸挂團團日無語東風玉
箸垂

題草衣巖

鉏頭爲枕草爲瓊曾與高人說任緣豈料大嫌
沽世價未應虛費買山錢閒編木葉輕于紙細
葺蘆花軟勝綿石室至今增壯觀可知千載得
人傳

送僧歸筠

西津渡口唐朝寺到眼瀟湘厭飫看誰遣松聲
環坐榻更令嶽色墮欄干君如鳥倦今知返我
與鷗盟久已寒想見若耶溪上路正嘗蘆橘帶
甘酸

宿臨川禪居寺書方丈壁

雨過沙村繫客船行間樓殿帶晴煙夜深霜月

涼于水門外雲濤遠際天禾稻豐登如弃土菱
蓮甘美不論錢好峰不住猶行役忽憶鐘山掬
澗泉

次韻信民教授謝無逸游南湖

春游每覺客愁消最愛晴湖漲柳橋鴨綠皺寒
初拍岸鶯黃照影自垂條惱人風物今如許着
意春光已不撩但得與君同一醉何辭日日作
詩招

崇仁縣與思禹閒遊小寺啜茶聞棋

平生閱世等虛舟臨汝重來又少留携弟共逃
三伏暑入門先得一軒秋隔牆晝永聞棋響陰
屋涼生見樹幽又值能詩王主簿飯餘春露啜
深甌

海上初還至南嶽寄方廣首座

天風吹笑落人間白髮新從死地還往事暗驚
如昨夢此生重復見名山倦禪想見堆危坐知
法應拋放縱閒初嚼芳鮮動詩思一篇先寄倩
君刪

至筠

乞漿問路到筠溪。天氣清和得所宜。父老相逢
班草坐。風光初過採茶時。摩挲禪榻營春睡。想
像齋厨辦晚炊。白首不知丘壑走。壁間來讀舊
題詩。

示超然

秋光滿髮萬事死。慚愧眼明牙齒牢。野寺閒眠
聽風雨。海山猶夢渡雲濤。事非白傳方驚鼎。迹
隱庖丁已善刀。一徑莓苔三十載。偏容此老擅

竒豪

懷李道夫

半篙晚漲綠楊灣。接翅鷗歸霧雨殘。數疊吳山
圓楚夢。一番花信釀春寒。別時小語依然在。隔
歲來書展復看。補袞胸中五色線。只今應作怒
蜺蟠。

立春前一日雪

明日立春今日雪。雪中殘響滴虛簷。方增謾說
寒威在不絕。潛和暖氣添。客去旋開書對語。閒

歷代詩選 宋洪覺範 卷五
多偏與懶相兼。湘山自古愁眉淺。縱御鉛華不
到尖。

效李白湘中體

夕光江搖魚尾紅。何處扁舟開晚篷。雁字初成
春有信。煙鬟空好雨無蹤。荒寒數葦橋洲岼。領
略半窗湘寺鐘。浦口行人已爭渡。林下歸僧欣
一逢。

次韻寄傲軒

道逢飛鳥倦知還。一鉢安巢又故山。無累自然
增逸興。有名終恐廢長閒。昔時生計風煙上。隨
意園林指顧間。應笑市朝爭奪者。暗驚清鏡失
朱顏。

次韻宿東安

淡雲疎月兩微茫。獨酌沾來竹葉香。已把功名
比雞筋。更驚世路似羊腸。心情老去俱消盡。詩
律年來覺倍強。解誦賓州侍兒曲。此身安處是
吾鄉。

次韻宿清脩寺

歷代詩選 宋洪興祖 卷八
湘山也學廬山好。雙瀑飛聲繡谷風。正欲歸來
向人說。戲將收拾入詩中。浪驚醉枕寒松響。春
滿茶鑪活火紅。清景骨飛嗟未到。故應惟許夢
魂通。

次韻彥周見寄二首

詩先春色附湘船。來與幽人結淨緣。句好空驚
碧雲合。韻高疑在白鷗前。君應歸誦陶彭澤。我
亦南尋魯仲連。想見江頭同握手。採茶時節雨
餘天。

歸思啼禽日夜催。寶書臨罷意徘徊。榆錢滿地
買春去。嶽色渡江排闥來。行樂風光清夢曉。卧
披煙雨曲屏開。興來敏速詩千首。落筆人驚挾
怒雷。

二月大雨江漲晚晴作

投老歸來楚水濱。水清聊可濯衣塵。拚心樂事
都還汝。入手清閒不與人。尚有笑談消白晝。更
無情緒管青春。暗驚少日王城外。走馬爭先看
寶津。

題天王圓證大師房壁

閉戶不妨依聚落開軒隨分有山林
殘經半掩世情斷好鳥一聲村意深
籬外風筠森束玉屋頭霜橘欲垂金
能營野飯羹紅醬渡水何辭數訪尋

題雲巖筠軒

雨葉風枝小徑通拂砧清坐有誰同
粉衣香滑秋叢瘦泉珮丁東夜壑空
半世已歸彈指內前途都付枕肱中
隄防老境猶多事折脚錯炊腐

顆紅

上元後候季長不至作此寄之

和風凍雨上元後斷岬橘洲春水生
村寺獨歸江路熟竹籬誰繫小舟橫
偶成詩句長哦罷謾折梅花一嗅清
想見連牀成夜語此篇先慰遠來情

大雪

今年未雪今日雪地迥眼新人不囂
永巷掃除聞屐響暮林翔集看鴉嬌
韻高雒下應難畫興

歷代詩選 卷一百三
發山陰未覺遙想見茅齋已摧壓曲肱清夢到
山椒

宿資欽楚山堂

故人持節在三湘白首相逢話更長挂錫曾憐
道林寺携衾來宿楚山堂意消忽覺風敲竹夢
斷空驚月轉廊常恨出門無所詣敢辭時此夜
連牀

題胥大夫欣欣堂

議郎和粹色無求繞屋江山秀氣浮弱柳貪眠
禽喚起異花含笑草忘憂閉門不放青春返解
榻長令佳客留摹寫高情無好句謾橫詩眼付
冥搜

正月一日送璿維那之新昌乞

春水初生湘岬邊陰晴城郭上元前暖消積雪
成簷滴水烈殘香發篆煙念舊十年鄉井夢試
新佳句贈行篇翛然路入江南去想見歸時及
杜鵑

雪詩

千巖雨雪黃昏後。一室香燈一寢餘。此夕鄉關
入歸夢。明朝雲物記曾書。地鑪不獨聞瓶泣。山
果時驚落屋除。清境鼎來勞應接。暮年生計未
全疎。

送海印奩老住東林

湘容嶽色中秋後。古寺閒房小寢餘。掃徑筵粘
新落葉。開窗風掩讀殘書。吹雲又作他山去。種
漆何時伴我居。洞上閒名猶在世。未應容易與
人除。

余在制勘院晝卧念故山經行處用空山

無人水流花開為韻寄山中道友今選

得三絕

掃徑偶停筵。幽懷凝佇間。暮樵迷向背。餘響答

空山

其二

新晴收雨脚。宿霧隔花身。睡美不知曉。啼禽解

喚人

其三

舍南一曲溪春漲半篙水去作落崖聲雪花濺

山翠

粹中自郴江瑩中與南歸時余在龍山容

泯齋為誦唐詩八郭隨緣任思山破夏

歸之句為韻

哀蟬蒲風聽草樹初茂密空齋有奇事屋角寒

藤入

又

松下榻來見依然冰雪顏未須驚世故且復卧

看山

余所居竹寺門外有溪流石橋汪履道過

余必終日既去送至橋西履道誦笑別

廬山遠何煩過虎谿之句作詩以見寄

因和之

吾廬亦何有草屋八九間牀頭挂濕水枕上見

他山

履道書齋植竹甚茂用韻寄之

曉庭蒲葉翻天涯歸夢遠尚記泊舟時隔水桑

婉婉

送實上人還東林時余亦買舟東下

世事但堪眼見此生何殊夢游未倩青山掩骨
且牽黃袖蒙頭

說盡廬山勝處寂然相對無言東崦峰頭月出
依約如聞白猿

誦高僧詩云沙泉帶草堂紙帳卷空牀靜

是真消息吟非俗肺腸園林坐清影梅

杏嚼紅香誰任原西寺等奪送夕陽作

林外鳴鴉零亂山頭落日微紅樓臺迥然暝色
谷幽已答疎鐘

臨清閣

邑勢自然藏勝江空表裏含秋夜棹近人明月
襄陽應在漁舟

贈誠上人

對書只圖遮眼題詩何必須編且看無情說法
羣山雪盡蒼然

讀古德傳

車輪峰作碧螺旋不用招邀自滿軒等是世間
無用物故宜相對兩忘言

合妙齋

未饒拄杖挑山衲差勝袈裟衆草鞵吹面谷風
衝虎過歸來松雨撼空齋

注十明論

了知無性滅無明空慧須從戒定生頻呼小王
元無意只要檀郎認得聲

袁州聞東坡歿于毗陵書精進寺壁

濁世肯留竟何意玉芙蓉出淤泥中誰謂秋來
亦零落病收衰淚泣西風

無盡見和詩復次其韻

一丘一壑思迢迢莫把山林較市朝江上相逢
兩無語夕陽衰草暮蕭蕭

瑩中南歸至衡陽作

回雁峰前醉眼醒卧看波影蘸空青起來一笛
春風晚萬里無雲月滿汀

寄石頭志菴主

世途嶮巇鼻先酸折脚鐺尋穩處安誰見睡餘
閒振策松風吹耳夜濤寒

余將經行他山德莊自邑中馳詩見留是
夕胡彥通亦會二君子談達旦不寐明
日霜重共讀蔡德符兄弟所寄詩有懷

其人

風徑霜清拾墮薪野炊童子解經營條然放箸
秋窗晚籬落淒清屋角晴

僧從事文

三多授子文章法壞衲酬吾老大心簾捲暮涼
煙翠重一聲雲斧覺山深

超然在東華作此招之

芒屨踏破成何事坐榻塵埋只汗顏齋鉢生涯
惟澗飲結茅終待老鐘山

至邵州示胡強仲

平生厭飲水雲間老景優游剩得閒遠謫瘴鄉
君勿歎天教更看海南山

煙寺晚鐘

輕煙罩暮上黃昏
殷殷踈鐘度遠村
略約橫溪人迹靜
幡竿縹緲插山根

平沙落雁

寂寞蒹葭亂晚風
江波斂滲浸秋空
橫斜倦翼歸何處
一點漁燈杳靄中

春詞

映門楊柳未全遮
乍放柔條自在斜
不信春寒猶有雪
誤驚飄舞作飛花

其二

曉霽晴湖已拍橋
橋邊春色解相撩
分踈積雨饒鶯舌
拘束東風倩柳條

其三

郊原雨歇看春耕
繭粟能馳稚子行
山杏欲嘗猶苦味
海棠開徧恰新晴

殘梅

殘香和雪隔簾櫳
只待江頭一笛風
今夜迴廊無限意
小庭踈影月朦朧

次韻通明叟晚春

琴筑春流漲淺灘圓吭幽鳥語林端纖蒲水荇
空淒寂背立東風整釣竿

其二

山桃噴火柳垂絲野店溪橋處處宜我作春游
亦清散榆錢聊挂瘦藤枝

其三

楊花滿院掩深關半摺文書偃卧看幽鳥等閒
回睡眼暖風時復破春寒

其四

春寒瘦骨病難禁多謝新晴霽晚霖自補衲衣
矮窗下黃鸝聲好屢停針

遊西湖北山二首

幽草青青繞竹扉雨餘人在杏園西無端黃鳥
驚春夢正向綠蘿深處啼

春園南北笋過牆牆下離離草更香啼鳥野花
無問處蒼山牢落下殘陽

次韻超然春日湘上

暮年身世極南邊病眼愁看北客船憶着金明

歷代詩選 卷一百三十一
池上路寶津晴瓦隔霏煙

春晚

方見柳條堪結紐忽驚梅葉解藏禽
春歸掣肘經不住院落殘紅一寸深

初夏

院落寥寥日正長小梅初熟亞枝黃
午窗書引昏昏思角簟宜開舊竹牀

新竹

琅玕數本倚牆陰新笋均條忽作林
昨夜小軒

添得境却煩佳月碎篩金

秋晚

碧雲紅樹晚相間佇立不堪游子情
劃破秋空一行雁斷腸南去兩三聲

又

紫梨紅棗八九樹竹屋柴門三四家
機杼聲遲秋日晚遶籬寒菊自開花

次韻

懷中但自除衣垢面上從教有唾痕
負日風檐

成坐睡夢隨鷗鷺浴江村

其二

莓苔徧地榆錢滿院落無人柳絮飛信手翻書
香篆冷夕光山翠上窗扉

其三

惜置已落古人後猛省令人愧衲裙廬山好處
軒窗在留眼歸看五老雲

次韻吳中見寄

停蓄幽懷萬頃陂一傾要及少年時正當清瀟

尋君去已辦登山綠玉枝

謝人惠蘆雁圖

道林煙雨久不到忽見橘洲蘆雁行笑裏筆端
三昧力坐中移我過瀟湘

湓江宿舟中

琵琶亭下孤舟宿夜靜風清水四圍蝴蝶夢中
江月白蘆花鳴笛釣船歸

東流阻風

秋葉叢邊風索索迎賓亭下水瀰瀰蓼花深處

老漁父更把牀頭羌笛吹

過湘江題慈雲寺壁

慈雲寺在古城隈。月閣風軒照水開。獨倚欄干
秋雨後。青山相逐渡江來。

次韻亭上人長沙雪中懷古二首

楚國樓臺凌九霄。軟風行復弄柔條。當年絃管
今何處。飛雪滿空如舞腰。
數峰江上曉不見。指點先煩榔櫂條。却望蒼岷
尋折榦。偃松稍重壓龍腰。

過長馬市

長馬人家古道旁。秋來禾黍已登場。池塘水淺
菱蒲冷。籬落霜晴橘柚香。

題通判學士適軒

小軒只著竹匡牀。散髮陶然夏簟涼。手倦拋書
成午睡。夢回雙頰帶茶香。

書湛然亭

家在匡廬疊翠層。雲開彷彿見微稜。褰衣欲上
千巖去。隔岫扁舟喚不應。

送覺先歸大梁一首

殘秋千里游梁去，破浪扁舟別我來。
對坐無言看山月，一庭松雨在莓苔。

永固登小閣

老僧乞食城郭去，小閣無人獨自登。
急雨忽來添暝色，諸峰領略露寒層。

舟行書所見

剩水殘山慘澹間，白鷗無事小舟閒。
箇中著我添圖畫，便似華亭落照灣。

次韻春風

吹髮風俱小雨來，殘紅掃盡露蒼苔。
稻畦綠錦無邊幅，更欲煩君為剪裁。

次韻西樓

萬古湘江繞故城，水光斜照動檐楹。
行人仰看春風軟，吹落凭欄笑語聲。

又登鄧氏平遠樓縱望見小廬山作

倚欄天際數歸帆，春在滄洲數筆間。
我與小樓俱是畫，雨中猶復見廬山。

贈覺成上人

雲泉措置萬事外，鬚髮凋零伸欠中。想見龍城山下路，一川秋色稻花風。

次韻惠梅禪師兌寄秋日

飽霜毛穎泛松煤，窗底魚牋自在開。琢得小詩清似玉，步筇時遶紫莓苔。

與超然至谷山尋崇禪師遺踪

行盡湘西十里松，到門却立數諸峰。崇公事跡無尋處，庭下春泥見虎蹤。

送道林

楞伽本在海中央，鉢具懸知挂舊房。不泛木杯驚俗眼，一簑煙雨渡瀟湘。

題清芬軒

隔屋江梅欲墮飄，幽香細細故相撩。披衣春曉無人見，小立微聞意已消。

次韻曾機宜遊山湘江晚望


貪看江草間江花，不覺移舟着淺沙。數筆瀟湘春自曉，橘叢籬落露人家。

廬山雜興

別開山徑入松關
半在雲間半雨間
紅葉滿庭人倚檻
一池寒水動秋山

道中

蒲柳冥冥花已殘
水田南北是青山
晚村歸路聞啼鳥
家住寒雲縹緲間



石倉十二代詩選

宋詩卷一百之三 終

芝子

